



**TOSHKENT SHAHRIDAGI INHA UNIVERSITETI**  
**INHA UNIVERSITY IN TASHKENT**

**O'ZBEKISTON RESPUBLIKASI VAZIRLAR MAHKAMASINING 2021 YIL  
3 IYUNDAGI 344-SON QARORI BILAN TASDIQLANGAN  
“O'ZBEKISTON RESPUBLIKASI OLIY TA'LIM MUASSASALARI  
TALABALARIGA AKADEMIK TA'TIL BERISH TO'G'RISIDA  
NIZOM”NING MAZMUN MOHIYATINI TUSHUNTIRISH**

Toshkent shahridagi Inha Universiteti Akademik boshqaruv bo'limi talabalarga akademik ta'til berish bo'yicha quyidagi normativ huquqiy hujjatlar bilan o'z faoliyatini yuritadi:

- ▶ O'zbekiston Respublikasi Prezidentining 2014 yil 24 martdagi PQ-2155-sonli "Toshkent Shahrida Inha universitetini tashkil etish to'g'risida"gi qarori;
- ▶ O'zbekiston Respublikasining 2020-yil 23-sentabrdagi 637-sonli "Ta'lim to'g'risida"gi qonuni;
- ▶ O'zbekiston Respublikasi Vazirlar Mahkamasining 2021 yil 3 iyundagi 344-sonli "O'zbekiston Respublikasi oliy ta'lim muassasalari talabalariga akademik ta'til berish to'g'risida"gi qarori;
- ▶ Toshkent shahridagi Inha Universitetining 2021 yil 22 yanvardagi "Toshkent shahridagi Inha Universitetining talabalariga akademik ta'til berish to'g'risida"gi nizomi.

## Vazirlar Mahkamasining 2021 yil 3 iyundagi 344-sonli qarorining asosiy maqsadi:

O'zbekiston Respublikasi Prezidentining "2017-2021-yillarda O'zbekiston Respublikasini rivojlantirishning beshta ustuvor yo'nalishi bo'yicha Harakatlar strategiyasini "Yoshlarni qo'llab-quvvatlash va aholi salomatligini mustahkamlash yili"da amalga oshirishga oid davlat dasturi to'g'risida" 2021-yil 3-fevraldagi PF-6155-son Farmonida belgilangan vazifalar ijrosini ta'minlash hamda Respublika Oliy Ta'lim muassasalarining ijtimoiy muhofazaga muhtoj talabalarini himoya qilish, ularga uzluksiz mustaqil ta'lim olish uchun imkoniyat yaratish.

# Kiritilgan yangiliklar:

- ▶ Akademik ta'til olishni istagan talabalar o'z ixtiyoriga ko'ra akademik ta'til muddatiga ta'limning sirtqi va masofaviy shakliga o'tkazilib (agar oliy ta'lim muassasasida bunday ta'limning shakllari mavjud bo'lsa), ularga uzluksiz mustaqil ta'lim olish imkoniyati yaratiladi;
- ▶ Oilasining betob a'zosini parvarish qilish sababli an'anaviy shakldagi ta'limni davom ettirish imkoniyati bo'lmagan talabalarga ham akademik ta'tilni olish huquqi beriladi;
- ▶ Talabalarga o'qish davomida akademik ta'til berilishi bo'yicha miqdoriy cheklovlar bekor qilinadi;
- ▶ Akademik ta'tildan qaytgan talabalarni ilgari o'zlashtirilgan fanlar bo'yicha qaytadan o'qitish amaliyoti bekor qilinadi.



# Umumiy qoidalar


- ▶ Akademik ta'til o'quv yilning yangi semestri boshlangan kundan boshlab 4 hafta mobaynida, quyidagi holatlar va muddatlarga beriladi:
- ▶ harbiy xizmatni o'tash uchun — qonun hujjatlarida belgilangan harbiy xizmatni o'tash muddatiga;
- ▶ salomatligini tiklash uchun — 12 oy muddatga;
- ▶ talaba ota-onasining yoki boquvchisining hizmat safari tufayli chet elga 6 oydan ortiq ko'chishga majbur bo'lganda – 12 oy muddatga;
- ▶ moliyaviy muammo sabab to'lov kontraktini to'lolmagan holatda- 12 oy muddatga;
- ▶ homiladorlik va tug'ish, shuningdek bolalarni parvarish qilish uchun — qonun hujjatlarida belgilangan homiladorlik va tug'ish, shuningdek bolalarni parvarish qilish ta'tillari muddatiga.



- ▶ Talabalarga o'qish davomida ikki marta akademik ta'til berilishi mumkin.
- ▶ Birinchi kurs talabalariga akademik ta'til, istisno tariqasida, faqat ularning kasalligi tufayli berilishi mumkin.
- ▶ Talabaga akademik ta'til berilishi uni ta'lim muassasasidan chetlashtirish deb hisoblanmaydi.
- ▶ Talaba TShIU dan olgan buyumlarini (kitoblar, sport anjomlari, kalitlar) TShIUni tegishli bo'limlariga qaytarishi shart.
- ▶ Avvalgi semestrlar uchun to'lov-kontraktdan qarzдорlik bo'lmashligi shart.



# Oliy ta'lim muassasalari talabalariga tibbiy ko'rsatmalar bo'yicha akademik ta'til berishga oid kasalliklar RO'YXATI



- ▶ 1. Sil kasalligining faol va asoratlangan shakllari.
- ▶ 2. Surunkali kechuvchi o'pkaning nospetsifik kasalliklari bilan bog'liq yurak-o'pka faoliyatlari yetishmovchiligi (III daraja).
- ▶ 3. II va III darajali surunkali qon aylanishi buzilishi (Nyu-York klassifikatori bo'yicha III va IV daraja) bilan kechuvchi yurak klapanlari va mushaklarining organik o'zgarishlari.
- ▶ 4. II va III darajali qon bosimining oshishi, tez rivojlanuvchi qon bosim oshishi (xavfli gipertoniya).
- ▶ 5. Hayot uchun xavfli yurak ritmi va o'tkazuvchanlikning buzilishi bilan kechuvchi holatlar (MAS sindromi, AV qamal II-III darajasi, sinus tuguni zaifligi sindromi, yurak qisqarish soni kunduzi bir minutda 50 va undan past bo'lsa, nomuqim gemodinamika bilan kechuvchi paroksizmal taxikardiyalar (SAB 90 mm simob ustunidan past holat).
- ▶ 6. Barcha bosqichdagi xavfli o'sma kasalliklari (2 yil oldin radikal davolanganlar bundan mustasno).
- ▶ 7. Turg'un buyrak yetishmovchiligi bilan kechuvchi buyrak va boshqa a'zolar kasalliklari.

- ▶ 8. Statsionar sharoitida davolanish talab etiladigan oshqozon-ichak tizimi yara va yallig'lanish kasalliklarining o'tkir davri.
- ▶ 9. Og'ir va qo'shma travmatik shikastlanishlar.
- ▶ 10. Statsionar sharoitida bir oy muddatdan ortiq davolanish va reabilitatsiya qilish zarur bo'lgan turli etiologiyalik jigar kasalliklari va surunkali pankreatit (surunkali gepatitlar, jigar tsirrozi).
- ▶ 11. Endokrin kasalliklarining og'ir shakli (akromegaliya, diffuz toksik buqoq, buyrak osti bezining yetishmovchiligi, gipoterioz, qandli diabet kasalligining birinchi turi, Itsenko-Kushing kasalligi).
- ▶ 12. Qon tizimi kasalliklari:
  - ▶ a) o'tkir va surunkali leykozlar;
  - ▶ b) Idiopatik trombotsitopenik purpura;
  - ▶ v) aplastik anemiya.
- ▶ 13. Asab sistemasi surunkali organik kasalliklarining asoratlari natijasida aql zakovatning chuqur va turg'un buzilishi hamda psixopatik buzilishlar.

- 
- ▶ 14. Shizofreniya barcha turlarining xuruj davri.
  - ▶ 15. Tez-tez takrorlanuvchi tutqanoqli, tutqanoqsiz va psixomotor xurujlari bilan, shuningdek, hushning xiralashuvi va og'ir disforiya bilan kechuvchi epilepsiya, shu jumladan:
    - ▶ a) kam takrorlanuvchi xurujlar bilan shaxsning chuqur o'zgarishi va aql-zakovat buzilishi bilan kechuvchi epilepsiya;
    - ▶ b) epileptik psixozlar.
  - ▶ 16. Tez-tez xurujlanuvchi siklotimiya, maniakal depressiv psixoz va tez-tez takrorlanuvchi maniakal depressiv holatlar.
  - ▶ 17. Psixopatiyaning tez-tez dekompensatsiyalanishi bilan kechuvchi turlari.

- ▶ 18. Og'ir, surunkali kechuvchi teri kasalliklari:
  - ▶ a) asoratlangan psoriaz;
  - ▶ b) pursildoq yara;
  - ▶ v) Layell sindromi;
  - ▶ g) Stivens-Jonson sindromi.
- ▶ 19. Zaxmning yuqumli bosqichi.
- ▶ 20. Traxomaning I, II va III darajalari.
- ▶ 21. Giyohvandlik, toksikomaniyaning barcha turlari (tamakiga tobelik bundan mustasno).
- ▶ 22. Orttirilgan immunitet tanqisligi sindromi (OITS/OIV).



**E'tiboringiz uchun rahmat!**

